



Broj: 02-11-4590/21
Sarajevo, ~~21-09-2021~~ godine

Na osnovu člana 70. stav (1), (2), (3) i (6) i člana 98. stav (2) tačka a) Zakona o javnim nabavkama Bosne i Hercegovine ("Službeni glasnik BiH", br. 39/14) u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), a na prijedlog Komisije za provođenje postupka nabavke za izvođenje dodatnih radova završne II faze izgradnje objekta osnovne škole na lokalitetu Šip Blok C (po osnovu Ugovora IV), imenovana rješenjem broj: 10-45-4590/21 od 06.09.2021. godine (u daljem tekstu: Komisija), Opštinski načelnik d o n o s i:

ODLUKU O IZBORU NAJPOVOLJNIJEG PONUĐAČA

- I.** Prihvata se konačna ponuda ponuđača **"UNIGRADNJA" d.d. Sarajevo , ul. Rajlovačka cesta bb, 71 000 Sarajevo**, broj: 03-2-22A1/21 od 15.09.2021. godine, za izvođenje dodatnih radova završne II faze izgradnje objekta osnovne škole na lokalitetu Šip Blok C (po osnovu Ugovora IV), putem pregovaračkog postupka bez objave obavještenja, u ukupnom iznosu od 28.948,80 KM bez PDV-a odnosno 33.870,10 KM sa PDV-om.
- II.** Ova odluka stupa na snagu danom donošenja i dostavlja se ponuđaču koji je učestvovao u postupku javne nabavke u roku od 7 (sedam) dana, shodno članu 71. Zakona.
- III.** Ova Odluka objavit će se na web-stranici Općine Centar, www.centar.ba, istovremeno s upućivanjem iste ponuđaču koji je učestvovao u postupku javne nabavke, shodno članu 70. stav (6) Zakona o javnim nabavkama.

O b r a z l o ž e n j e

Postupak za javnu nabavku za izvođenje dodatnih radova završne II faze izgradnje objekta osnovne škole na lokalitetu Šip Blok C (po osnovu Ugovora IV), putem pregovaračkog postupka bez objave obavještenja, pokrenut je Posebnom odlukom Općinskog načelnika o pokretanju postupka broj: 02-11-4590/21 od 06.09.2021. godine.

Poziv za preuzimanje tenderske dokumentacije u pregovaračkom postupku bez objave obavještenja za izvođenje dodatnih radova završne II faze izgradnje objekta osnovne škole na lokalitetu Šip Blok C (po osnovu Ugovora IV), dostavljen je na adresu ponuđača "UNIGRADNJA" d.d. Sarajevo.

Shodno Zakonu o javnim nabavkama, informacije o postupku nabavke i tenderska dokumentacija, objavljene su na Internet stranici Općine Centar Sarajevo, kako bi bile dostupne ostalim ponuđačima.

Po pozivu za dostavu Zahtjeva za učešće ponuđač "UNIGRADNJA" d.d. Sarajevo je u ostavljenom roku do 09.09.2021. godine, dostavio dokumentaciju zahtijevanu tenderskom dokumentacijom. Nakon dostave dokumentacije, Komisija je pristupila analizi dokumentacije priložene u smislu provjere njene validnosti, obzirom na iskazane zahtjeve ugovornog organa u tenderskoj dokumentaciji. Komisija je konstatovala da je ponuđač uz zahtjev za učešće dostavio ovjerene kopije dokumenata kojima se dokazuje ispunjavanje uslova iz tačke 2.1. tenderske dokumentacije (lična sposobnost).

Nakon završene prve faze postupka u kojoj je razmotren i prihvaćen Zahtjev za učešće, Komisija je uputila poziv ponuđaču "UNIGRADNJA" d.d. Sarajevo za dostavu početne ponude i poziv na pregovore.

Ponuđač "UNIGRADNJA" d.d. Sarajevo je dostavio svoju početnu ponudu u ostavljenom roku i to 13.09.2021. godine do 10,30 h.

U skladu sa članom 63. Zakona o javnim nabavkama (u daljem tekstu: Zakon), Komisija je u zakazano vrijeme pristupila javnom otvaranju ponude i nakon što je utvrđena blagovremenost i urednost dostave, pročitana je cijena pristigle početne ponude kako slijedi:

r/b	PONUĐAČ	Ukupna cijena u KM bez PDV-a	Popust %/KM	Ukupna cijena u KM sa PDV-om
1.	"UNIGRADNJA" d.d. Sarajevo	28.948,80	/	33.870,10

Uvidom u početnu ponudu ponuđača "UNIGRADNJA" d.d. Sarajevo, Komisija je konstatovala da je ista sačinjena u potpunosti u skladu sa zahtjevima iskazanim u tenderskoj dokumentaciji.

Nakon pregleda i ocjene početne ponude, Komisija je uputila poziv ponuđaču "UNIGRADNJA" d.d. Sarajevo za pregovaranje za dan 13.09.2021. godine u 11,30 h. U toku pregovaranja, ovlašteni predstavnik ponuđača „UNIGRADNJA“ d.d. Sarajevo je naglasio da ponuđač nije u mogućnosti dati dodatni popust na ponuđenu cijenu obzirom da je u međuvremenu došlo do porasta tržišnih cijena materijala i radne snage. Nakon izvršenog pregovaranja sa ovlaštenim predstavnikom ponuđača, sačinjen je Zapisnik o pregovaranju, te je Komisija zatražila od ponuđača "UNIGRADNJA" d.d. Sarajevo da dostavi konačnu ponudu do 15.09.2021.godine.

Dana 15.09.2021.godine ponuđač "UNIGRADNJA" d.d. Sarajevo je dostavio svoju **konačnu ponudu** u iznosu od **28.948,80 KM bez PDV-a**, odnosno **33.870,10 KM sa PDV-om**, koja je postignuta u postupku pregovaranja. Uvidom u konačnu ponudu ponuđača "UNIGRADNJA" d.d. Sarajevo, Komisija je konstatovala da je ista sačinjena u potpunosti u skladu sa zahtjevima iskazanim u tenderskoj dokumentaciji.

Shodno izloženom, Komisija je putem javnog glasanja jednoglasno donijela odluku da se Opštinskom načelniku dostavi:

PREPORUKA O PRIHVATANJU KONAČNE PONUDE

Ponuđača **"UNIGRADNJA" d.d. Sarajevo , ul. Rajlovačka cesta bb, 71 000 Sarajevo**, broj: 03-2-16A1/21 od 29.07.2021. godine, za dodjelu Ugovora za izvođenje dodatnih radova završne II faze izgradnje objekta osnovne škole na lokalitetu Šip Blok C (po osnovu Ugovora IV), putem pregovaračkog postupka bez objave obavještenja, u ukupnom iznosu od **28.948,80 KM bez PDV-a odnosno 33.870,10 sa PDV-om**.

Opštinski načelnik u postupku ocjene nije našao razloge, niti nepravilnosti u radu Komisije koji bi eventualno bili osnov za neprihvatanje preporuke Komisije, te je odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem ovog ugovornog organa (Općina Centar Sarajevo), najkasnije u roku od 10 (deset) dana od dana prijema ove Odluke shodno članu 101. Zakona. Naknada za pokretanje žalbenog postupka iznosi 500,00 KM u skladu sa članom 108. stav (1) tačka a) Zakona.

Žalba se podnosi u dovoljnom broju primjeraka, a koji ne može biti manji od tri u skladu sa članom 99. stav (3) Zakona.



Prilog: Zapisnik o pregledu i ocjeni početne i konačne ponude
br.02-11-4590/21 od 16.09.2021.godine

DOSTAVITI:

1. "UNIGRADNJA" d.d. Sarajevo, ul. Rajlovačka cesta bb, 71 000 Sarajevo
2. Službi za urbanizam i zaštitu okoliša
3. Službi za finansije
4. Evidenciji
5. Arhivi